

Ալաշկերտի դաշտի միջավայրն կը միանան, ուր կատարեալ գետի կերպարանք ստանալով՝ կը հեռանայ Մուրատ¹ անուամբ:

Մուրատի երկու ձիւղերն կը յորջորջուին Շեռեան և Մուրատ:

Շեռեան Բազրեանդայ արևմտեան կողմէն կիջնայ դէպի յարևելս: Ալաշկերտի դաշտի հարաւն և Ղլիճ — կետուկի հիւսիսային ստորոտն քերելով կանցնի, իսկ Մուրատ յարևմուտս կոյս հոսելով հանդէպ Գարաքիլիսայի, ուստի 1 ժամ ի հարաւ արևմուտս Գարաքիլիսայի միանալով Մուրատի իբրև կանոնաւոր գետ մի կը քերէ կեառէ լեռան արևելեան ստորոտն, կանցնի Անդախի, Մանազկերտի և Ապահունեաց գաւառներու միջով, իւրաքանչիւր գաւառ երկուքի կը բաժանէ, աջ ու ձախ դաշտային և լեռնային մասեր թողլով:

Շեռեան իւր սկզբնաւորութիւնը կառնու Բիւրակնեան լեռներու յարևելս գտնուած Գարաեազրու լեռնադաշտի արևելեան երեսէն, յարևելս յարևելահիւսիս և հիւսիս հոսելով, կիջնայ Խալեազի լեռնադաշտն, այս տեղ գեռ չիջած աջ կողմէն Մերկէ-Միր լեռնէն ևս առատ սնունդ առած, 3—3 1/2 ժամ ևս չափ ևս Խալեազը ձեղքելով՝ ուղղակի միջից կանցնի, ի ձախ թողլով վարելահողեր և ընդարձակ անհաշիւ մարգագետիններ, որք մինչև Գուամ կը տարածուին: Խալեազի վերջաւոր-

1. Ի՛էտէ Մուրատ անունով մի ուխտապետի կայ Ամատ գիւղի բարձունքը՝ բարձր քարալեռան մի գագաթն, որոյ ստորոտն ևս կայ Ի՛էտէ Մաքսուտ, աստի գետակ մի կը հոսի ի դաշտ, այս լեռնէն խոնար Ի՛էտէ Մաքսուտի կամ թուրքմեններու և կամ Ամատա ջուր անուամբ: